



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinqve Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Dionysius Abbas, Exiguus cognome[n]to, Cycli paschalis auctor, & rationis numerandi ab annis Domini inuentor. cap. XCVI.

urn:nbn:de:hbz:466:1-38397

RAMVS VNDECIMVS,

Explicat

GENERA LINGVARVM.

id est,

De ijs qui in diuersis linguis excellentes sunt
habiti, agit.

DIONYSIVS ABBAS:

Exiguus cognomento,

Cycli Paschalis auctor, & rationis numerandi
ab annis Domini inuentor:

qui

Inscriptus est in iudicijs temporum. Eccles. 48.

Cap. XCVI.



RIMVM vndecimi Rami locum, sibi vendicat,
Dionysius Romanus, cognomento Paruus, cum
temporis, tum etiam officij ratione; Abbas enim
cum fuerit, vii ex figura apparet, quæ in manibus
tabulam Paschalem, cum huiusmodi suprascri-
pto, *Annus à Natiuitate Christi*, gestat, alios mi-

noris dignitatis præcedere iure debuit, quos omnes sicut dignita-
te, ita & doctrina antecelluit. Fuit enim calculator, & computi-
ssa temporum egregius, uti constat ex eius Cyclo magno Paschali
perpetuo, qui præ manibus eius est, quem de ratione Paschatis cõ-
pouit, continens annos 532. quibus completis, iterum à capite re-
petitur, & sic semel exactus in eundem semper reuertitur. Hunc
circa annum Do. 540. inceptum, septimo Iustini Iunioris anno,
qui erat à Natiuitate Domini 572. complevit: & morem compu-
tandorum annorum à Natiuitate Domini nostri IESV Christi in
CCc Eccle-

Ecclesiam primus inuexit; auctorque fuit Christianis notandorum ita temporum, ut ex epistolis Bedæ Venerabilis colligimus quo memoria Diocletiani tyranni, hostis nominis Christiani precipui, ab Ecclesia tolleretur, & expungeretur. Item ut qui Christianismum profitentur, scirent sibi Christi Domini memoriam in temporibus, quorum est auctor, & quibus nobis salutem aeternam esse usurpandam. Diocletianus enim, cuius præter cæteros in Ecclesiam Christi nobilitata fuit crudelitas, cauerat edicto, ut anni in posterum à primo sui principatus anno numerarentur, & signarentur: sublata priore in consignandis temporibus obseruatione. Quod ab illo factum fuisse uidentur, quia Christiani Romanos negligebant factos, nec Consules, aut Imperatores admodum curabant, de quorum nominibus signabantur in Orbe Romano tempora: Suam propterea memoriam perpetuam in terris esse cupiebat nefarius ille, & immanis tyrannus, quod ea constitutione consecuturum se esse existimabat. Et certè ualuit illud impuri hominis, qui se Iouium cognominaret, decretum, per annos 248. Quæ eius Aera queadmodum nostri loquuntur computata, siue numerandi ratio, sublata fuit anno Domini 532. Quod quidem ita habere ex Beda intelligimus, qui in Iustiniano ita inquit:

Dionysius Paschales scribit circulos, incipiens ab Anno Domini Incarnationis 532. qui est annus Diocletiani 248. post Consulatum Lampadij, & Orestis, quo anno Codex Iustinianus orbi promulgatus est. De more autem isto sic orbi inuecto, sic loquitur idem Beda. Primo decemnouennalis circuli versu, temporum ordo præfigitur, quem Greci calculatores à Diocletiani principis annis obseruauerunt. Sed Dionysius venerabilis Abbas Romane urbis, & utriusque lingua Graecæ & Latine, non ignobili præditus scientia, Paschales scribit circulos, noluit eis, sicut ipse testatur, memoriam impij, & persecutoris innectere, sed magis elegit ab Incarnatione Domini Nostri IESU Christi annorum tempora prænotare, quatenus exordium spei nostræ uetus nobis existeret, & causa reparationis humanæ, id est, Passio Redemptoris nostri euidentius educeret.

Hæc Beda. A Passione uerò Domini Romanam Ecclesiam numerare annos consueuisse, præcisus interim 33. annis qui ab eius Natiuitate ad Passionem decurrunt, à multis memoriam præditum est: qui uidentur ita sensisse, quia morte Domini completa fuerit omnia, quæ Christo Domino perferenda erant pro nostra expiatione, temporum felicium ibi principium statui oportere. Hunc sequuntur

sunt morem Hieronymus in Sophoniam. c. 1. & 17. Isidorus, multis in locis. Gregorius Turonensis qui annos modo à passione, modo à resurrectione enumerat. Beda de nat. rer. c. 47. & alij. Quem morem etiam obseruare uidentur populi diuersi, cum in Gallia, tum etiam in Italia, ut Serenissima Venetum Republica, quæ annum incipit die 25. Martij, quo Christus Passus est; quamuis non desint, qui illam computationem ad Incarnationem referant, eo enim incarnatum etiam fuisse fide Catholica tenemus. Scripsit ergo Dionysius noster,

Cyclum magnum Paschalem, lib. 1.
De ratione festi Paschalis, lib. 1.
Epistolarum, lib. 1.

Quæ ferè omnia excusa sunt Basileæ in Antidoro contra Hæreses, an. 1528. extantque nonnulla eiusdem tomo 4. bibliotheca SS. Patrum, Margarini de la Bigne. Cum autem esset, & linguæ Græcæ sciētia clarus, transtulit de illa in Latinam, Vitam S. Pachomij Abbatis: Gregorium Emisænum, de conditione hominis: quæ excusa est cū eius Regula inter uitas Patrum; & scripta Protherij Alexandrini Episcopi; & alia quæ nondum uidi.

A N N O T A T I O.

Floruit circa annum Christi 540. ut testatur Tritemius de script. eccles. peruenitque usque ad annum eiusdem 572. & amplius, ut colligitur ex eius cyclo paschali quem perfecit eodem anno, ut refert Iuo in uita Iuliani iunioris. Fallitur autem in hoc Gilbertus Genebrardus, vir nostri seculi litterarum Hæbraicarum profundissimus, qui lib. 3. chronol. hunc sub Leone 1. Papa, circa annum domini 460. collocat, deceptus ambiguitate uerborum nostri Tritemij, qui in lib. de script. Eccles. & lib. 2. c. 4. de uir. ill. ord. S. Ben. ait hunc Dionysium transtulisse scripta Protherij Alexandrini ad Leonem Papam, de paschate celebrando: quæ Tritemij uerba, non eo sensu accipienda sunt, ut dicamus Dionysium librum illum Leoni 1. Papa obtulisse, ut non recte interpretatur Genebrardus, sed quod transtulerit illum de ratione paschatis librum, quem Protherius Leoni Papæ 1. dedicauerat, ut ipsemet Tritemius testatur eodem libro de script. Eccles. in Protherio, his uerbis: Scripsit (Protherius uidelicet) inter cetera ad S. Leonem Papam de celebratione Paschæ epistolas 3. circa annos Domini 460. Caueatur ergo hic Genebrardi scriptus.